

বিজ্ঞপ্তি

নং-৮০.২০০.০৫৬.০০.০০.০৮২.২০১৬-৪৮৭

তারিখ : ০৩.০১.২০১৭ খ্রি:

৩৭তম বিসিএস পরীক্ষা-২০১৬-এর আবশ্যিক বিষয়সমূহের লিখিত পরীক্ষার সময়সূচি :
কেন্দ্র : ঢাকা, রাজশাহী, চট্টগ্রাম, খুলনা, বরিশাল, সিলেট ও রংপুর।

তারিখ ও দিন	সময় : সকাল ১০:০০টা - দুপুর ২:০০টা (৪ঘণ্টা) বিষয়ের নাম ও বিষয় কোড
১২-০২-২০১৭ রবিবার	ইংরেজি (০০৩) (সাধারণ ও কারিগরি/পেশাগত উভয় ক্যাডারের জন্য)
১৩-০২-২০১৭ সোমবার	বাংলাদেশ বিষয়াবলি (০০৫) (সাধারণ ও কারিগরি/পেশাগত উভয় ক্যাডারের জন্য)

তারিখ ও দিন	সময় : সকাল ১০:০০টা - দুপুর ১:০০টা (৩ ঘণ্টা) বিষয়ের নাম ও বিষয় কোড	সময় : দুপুর ২:০০ টা - বিকাল ৪:০০টা (২ ঘণ্টা) বিষয়ের নাম ও বিষয় কোড
১৪-০২-২০১৭ মঙ্গলবার	আন্তর্জাতিক বিষয়াবলি (০০৭) (সাধারণ ও কারিগরি/পেশাগত উভয় ক্যাডারের জন্য)	গাণিতিক যুক্তি (০০৮) (সাধারণ ও কারিগরি/পেশাগত উভয় ক্যাডারের জন্য)

তারিখ ও দিন	সকাল ১০:০০টা - দুপুর ১:০০টা (৩ঘণ্টা) বিষয়ের নাম ও বিষয় কোড	সময় : দুপুর ২:০০টা - ৩:০০টা (১ঘণ্টা) বিষয়ের নাম ও বিষয় কোড
১৫-০২-২০১৭ বুধবার	সাধারণ বিজ্ঞান ও প্রযুক্তি (০১০) (শুধুমাত্র সাধারণ ক্যাডারের জন্য)	মানসিক দক্ষতা (০০৯) ১ঘণ্টা (সাধারণ ও কারিগরি/পেশাগত উভয় ক্যাডারের জন্য)

তারিখ ও দিন	সময় : সকাল ১০:০০টা - দুপুর ২:০০টা (৪ঘণ্টা) বিষয়ের নাম ও বিষয় কোড
১৬-০২-২০১৭ বৃহস্পতিবার	(ক) বাংলা ১ম ও ২য় পত্র (০০১ ও ০০২) (সাধারণ ও কারিগরি/পেশাগত উভয় ক্যাডারের জন্য) সময় : সকাল ১০:০০ টা - দুপুর ১:০০টা (৩ঘণ্টা) বিষয়ের নাম ও বিষয় কোড (খ) বাংলা- ১ম পত্র (০০১) (শুধুমাত্র কারিগরি/পেশাগত ক্যাডারের জন্য)

পরীক্ষা সংক্রান্ত জরুরি নির্দেশাবলি:

- ক. ২০০ (দুইশত) নম্বরের প্রতিটি বিষয়ের লিখিত পরীক্ষার সময় হবে ৪(চার) ঘণ্টা এবং ১০০(একশত) নম্বরের প্রতিটি বিষয়ের লিখিত পরীক্ষার সময় হবে ৩(তিন) ঘণ্টা।
খ. প্রার্থীর জন্য প্রযোজ্য সংশ্লিষ্ট সকল বিষয়ের পরীক্ষায় অংশগ্রহণ করা আবশ্যিক।
গ. লিখিত পরীক্ষায় গড় ন্যূনতম পাস নম্বর হবে ৫০%। লিখিত পরীক্ষায় কোনো প্রার্থী কোনো বিষয়ে ৩০% নম্বরের কম পেলে তিনি উক্ত বিষয়ে কোনো নম্বর পাননি বলে গণ্য হবে। কেবল লিখিত পরীক্ষায় উত্তীর্ণ প্রার্থীরাই মৌখিক পরীক্ষায় অংশগ্রহণের যোগ্য হবেন।
ঘ. লিখিত এবং মৌখিক উভয় পরীক্ষায় পৃথক পৃথকভাবে পাস করতে হবে।
ঙ. সাধারণ ক্যাডারের সঙ্গে কারিগরি/পেশাগত উভয় ক্যাডারের জন্য পছন্দদানকারী এবং শুধু কারিগরি/পেশাগত ক্যাডারের জন্য পছন্দদানকারী প্রার্থীর বেলায় কারিগরি/পেশাগত ক্যাডার সংশ্লিষ্ট পদ বা সার্ভিসের জন্য প্রাসঙ্গিক বিষয়ে ২০০ নম্বরের ৪ ঘণ্টা সময়ের একটি একক বিষয়ের লিখিত পরীক্ষায় অংশগ্রহণ বাধ্যতামূলক।
২. প্রার্থীদেরকে বিশেষভাবে সতর্ক করা হচ্ছে যে, উত্তরপত্রে রেজিস্ট্রেশন নম্বর সঠিকভাবে না লিখলে এবং সঠিকভাবে বৃত্ত পূরণ না করলে, অথবা কোনোরূপ কাটাকাটি করলে বা ফুইড লাগালে বিজ্ঞাপনের ২৭(চ)-এর শর্তানুযায়ী প্রার্থিতা বাতিল হবে। কাজেই উত্তরপত্রে রেজিস্ট্রেশন নম্বর লিখা এবং বৃত্ত পূরণ করার ব্যাপারে প্রার্থীকে সর্বোচ্চ সতর্কতা অবলম্বনের জন্য অনুরোধ করা হলো।

চলমানপাতা/২

৩. লিখিত পরীক্ষার জন্য প্রার্থীর নামে নতুন করে কোনো প্রবেশপত্র জারি করা হবে না। প্রিলিমিনারি (MCQ) টেস্ট-এর জন্য প্রাপ্ত প্রবেশপত্র লিখিত এবং মৌখিক পরীক্ষায় ব্যবহৃত হবে। কাজেই প্রার্থীদেরকে প্রিলিমিনারি (MCQ) টেস্ট-এর জন্য অনলাইন-এ গৃহীত প্রবেশপত্র সাবধানতার সাথে সংরক্ষণ করতে হবে এবং প্রত্যেক পরীক্ষার দিন প্রবেশপত্রসহ পরীক্ষার হলে উপস্থিত হতে হবে। প্রবেশপত্রের ২য় পৃষ্ঠায় প্রদত্ত নির্দেশাবলি অত্যন্ত মনোযোগের সাথে পড়ে তদনুযায়ী অনুসরণ করতে হবে। উল্লেখ্য, প্রবেশপত্র ছাড়া কোনো পরীক্ষার্থীকে পরীক্ষায় অংশগ্রহণ করতে দেয়া হবে না।
৪. পরীক্ষার দিনসমূহে ভূয়া প্রার্থীদের বিরুদ্ধে বিশেষ তদ্বিধি অভিযান পরিচালনার ব্যবস্থা করা হবে। পরীক্ষা কেন্দ্রে বই-পুস্তক, ব্যাগ, হাতঘড়ি, মোবাইল ফোন, ঘড়ি সদৃশ মোবাইল ফোন, ক্যালকুলেটর বা কোনোরূপ ইলেকট্রনিক যোগাযোগযন্ত্র আনা সম্পূর্ণ নিষিদ্ধ। উল্লেখ্য, গাণিতিক যুক্তি (আবশ্যিক) বিষয়ের ক্ষেত্রে কেবল সাধারণ ক্যালকুলেটর ব্যবহার করা যাবে, তবে সাইন্টিফিক ক্যালকুলেটর ব্যবহার নিষিদ্ধ। উপরিউক্ত নিষিদ্ধ সামগ্রীসহ কোনো প্রার্থী পরীক্ষা হলে প্রবেশ করতে পারবে না। পরীক্ষা হলের গেটে মোবাইল ফোন এবং নিষিদ্ধ সামগ্রীর জন্য বিশেষ তদ্বিধি অভিযান চালানো হবে। পরীক্ষা হলের গেটে ম্যাজিস্ট্রেট-পুলিশের উপস্থিতিতে নিষিদ্ধ ঘোষিত উল্লিখিত সামগ্রী **Metal detector** এর সাহায্যে সার্চ করে এবং প্রবেশপত্র চেক করে প্রার্থীদের হলে প্রবেশের অনুমতি দেয়া হবে। পরীক্ষা চলাকালে পরীক্ষা কক্ষে কোনো প্রার্থীর নিকট মোবাইল ফোন/ইলেকট্রনিক যোগাযোগযন্ত্র, সাইন্টিফিক ক্যালকুলেটর বা নিষিদ্ধ ঘোষিত উল্লিখিত সামগ্রী পাওয়া গেলে বিজ্ঞাপনের শর্তানুযায়ী তা বাজেয়াপ্ত করে তার প্রার্থিতা বাতিল করা হবে। উক্ত প্রার্থীকে হল থেকে বহিষ্কার করে তার বিরুদ্ধে প্রয়োজনীয় আইনানুগ ব্যবস্থা গ্রহণ করা হবে। ভবিষ্যতে কমিশন কর্তৃক গৃহীত যেকোনো নিয়োগ পরীক্ষার জন্য এ ধরনের প্রার্থীকে অযোগ্য ঘোষণা করা হবে। কাজেই পরীক্ষার দিন কোনোভাবেই মোবাইল ফোন, ঘড়ি, সাইন্টিফিক ক্যালকুলেটর বা কোনো প্রকার ইলেকট্রনিক যোগাযোগযন্ত্র এবং উল্লিখিত নিষিদ্ধ সামগ্রী সঙ্গে না আনার জন্য প্রার্থীদের বিশেষভাবে অনুরোধ করা হচ্ছে।
৫. Admit Card হারিয়ে গেলে/চুরি বা নষ্ট হয়ে গেলে এবং User ID/ Password ভুলে গেলে কমিশনের Website এর সংশ্লিষ্ট Home page এর Admit Card Menu-তে ক্লিক করলে User Recovery ও Password Recovery বাটন দেখা যাবে। উক্ত বাটনে ক্লিক করে প্রয়োজনীয় তথ্য দিয়ে Submit করলে প্রয়োজনীয় এবং কাজক্ষিত তথ্যাবলি পাওয়া যাবে এবং Admit Card download করে প্রিন্ট করা যাবে।
৬. হাজিরা তালিকায় প্রত্যেক প্রার্থীর রেজিস্ট্রেশন নম্বর এবং নামের পাশে প্রবেশপত্রের অনুরূপ ছবি এবং স্বাক্ষর মুদ্রিত থাকবে। পরীক্ষার শুরুতেই প্রার্থীর প্রবেশপত্রের ছবি ও স্বাক্ষরের সঙ্গে হাজিরা তালিকার ছবি ও স্বাক্ষর মিলিয়ে দেখা হবে; মিল না থাকলে উক্ত পরীক্ষার্থীকে বহিষ্কার এবং তার বিরুদ্ধে আইনানুগ ব্যবস্থা গ্রহণ করা হবে।
৭. পরীক্ষা কক্ষে পরিদর্শকগণ প্রার্থীর প্রবেশপত্রের ছবি, রেজিস্ট্রেশন নম্বর এবং জাতীয় পরিচয়পত্র পরীক্ষা করবেন। প্রবেশপত্রে উল্লিখিত রেজিস্ট্রেশন নম্বর এবং নাম সঠিকভাবে উত্তরপত্রের যথাস্থানে প্রার্থী লিখেছেন কিনা এবং প্রার্থীর সাথে প্রবেশপত্র ও হাজিরা তালিকার ছবির মিল রয়েছে কিনা পরীক্ষান্তে তা নিশ্চিত হয়ে পরিদর্শক হাজিরা তালিকায় প্রার্থীর স্বাক্ষর গ্রহণ করবেন এবং হাজিরা তালিকায় পরিদর্শকের জন্য নির্ধারিত স্থানে পরিদর্শক স্বাক্ষর করবেন। প্রার্থীর ছবি, স্বাক্ষর, প্রবেশপত্র এবং উত্তরপত্রের নাম ও রেজিস্ট্রেশন নম্বরের কোনোরূপ গরমিলসহ অনিয়ম ধরা পড়লে সংশ্লিষ্ট প্রার্থীর প্রার্থিতা বাতিলসহ তার বিরুদ্ধে আইনানুগ ব্যবস্থা গ্রহণ করা হবে।
৮. লিখিত পরীক্ষা শুরু হওয়ার ১৫ মিনিট পর কোনো প্রার্থীকে পরীক্ষা কক্ষে প্রবেশ করতে দেয়া হবে না।
৯. পরীক্ষার দিনসমূহে জাতীয় পরিচয়পত্র সাথে রাখার জন্য প্রার্থীদেরকে অনুরোধ করা হলো।
১০. অনলাইন-এ প্রার্থী কর্তৃক প্রদত্ত তথ্য এবং বিজ্ঞাপনের ৮নং অনুচ্ছেদ অনুযায়ী প্রদত্ত ডিক্লারেশন এর ভিত্তিতে প্রার্থীকে অনলাইন-এ প্রবেশপত্র প্রদান করা হয়েছে। বিজ্ঞাপনের ৮নং অনুচ্ছেদের শর্ত পূরণে ব্যর্থ হলে এবং বিজ্ঞাপনের ২০ নং অনুচ্ছেদের শর্তানুযায়ী প্রার্থীর আবেদনপত্রে কোনো **Substantive** ত্রুটি ধরা পড়লে পরীক্ষার আগে বা পরে যেকোনো পর্যায়ে উক্ত প্রার্থীর প্রার্থিতা বাতিল হবে।
১১. এ পরীক্ষায় যেকোনো অসদুপায় অবলম্বনের জন্য প্রার্থীকে হল হতে বহিষ্কার করা হবে। উল্লেখ্য, কোনো প্রার্থী পরীক্ষায় নকল করলে বা অন্য কোনো অসদুপায় অবলম্বন করলে বা কোনো অসদাচরণের জন্য দোষী সাব্যস্ত হলে বিজ্ঞাপনের ৩৬নং অনুচ্ছেদের সিদ্ধান্ত এবং পরীক্ষায় অপরাধমূলক আচরণের জন্য শৃঙ্খলামূলক ব্যবস্থা গ্রহণ নীতিমালা-২০০০ অনুযায়ী শাস্তিমূলক ব্যবস্থা গ্রহণ করা হবে। তাছাড়া তাকে ভবিষ্যতে কমিশন কর্তৃক গৃহীত কোনো পরীক্ষায় অংশগ্রহণ করতে দেয়া হবে না এবং কমিশন কর্তৃক বিজ্ঞাপিত অন্য কোনো পদের জন্য তিনি আবেদন করতে পারবেন না। প্রয়োজনে মামলা দায়ের পূর্বক আইন প্রয়োগকারী সংস্থার হাতেও উক্ত প্রার্থীকে সোপর্দ করা হবে।

১২. ৩৭তম বিসিএস-এর লিখিত পরীক্ষার প্রতিবন্ধী প্রার্থীদের মধ্যে যাদের শ্রুতিলেখক প্রয়োজন, তাদেরকে সরকারী কর্ম কমিশন কর্তৃক অনুমোদিত শ্রুতিলেখকসহ পরীক্ষা হলে উপস্থিত হতে হবে। কমিশনের অনুমোদন ছাড়া নির্ধারিত শিক্ষাগত যোগ্যতা বহির্ভূত কোনো ব্যক্তিকে শ্রুতিলেখক হিসেবে আনা হলে তা গ্রহণযোগ্য হবে না। শ্রুতিলেখক হিসেবে মনোনীত ব্যক্তি প্রার্থীর চেয়ে নিম্নের গ্রেডের শিক্ষাগত যোগ্যতা সম্পন্ন হতে হবে। প্রার্থী যে ইনস্টিটিউটের শিক্ষার্থী শ্রুতিলেখক সেই ইনস্টিটিউটের শিক্ষার্থী হতে পারবেন না। শ্রুতিলেখক হিসেবে যিনি প্রতিবন্ধী পরীক্ষার্থীকে সহায়তা প্রদান করবেন তার শিক্ষাগত যোগ্যতার সনদ, ৩ কপি পাসপোর্ট সাইজের সত্যায়িত ছবি, শ্রুতিলেখক বর্তমানে অধ্যয়নরত থাকলে সে বিষয়ে সংশ্লিষ্ট শিক্ষা প্রতিষ্ঠান কর্তৃক প্রদত্ত পরিচয়পত্র ও প্রত্যয়নপত্রের সত্যায়িত কপি এবং শ্রুতিলেখকের প্রয়োজনীয়তা সম্পর্কে সিভিল সার্জন কর্তৃক প্রদত্ত ডাক্তারি প্রত্যয়নপত্রসহ আগামী ২৬.০১.২০১৭ তারিখ বিকাল ৪টার মধ্যে পরীক্ষা নিয়ন্ত্রক (ক্যাডার), বাংলাদেশ সরকারী কর্ম কমিশন, আগারগাঁও, শেরেবাংলা নগর, ঢাকা-এর দফতরে আবেদন পৌঁছাতে হবে। উল্লিখিত তারিখ ও সময়ের পরে আর কোনো আবেদন গ্রহণ করা হবে না। কমিশন কর্তৃক নির্ধারিত তারিখের মধ্যে কমিশনে দাখিলকৃত প্রতিবন্ধী প্রার্থীর আবেদনের প্রেক্ষিতে কেবল কর্ম কমিশন হতে অনুমোদিত শ্রুতিলেখক-কে ছবি সংবলিত অনুমতিপত্র প্রদান করা হবে। কাজেই শ্রুতিলেখককে কমিশন হতে ইস্যুকৃত ছবিযুক্ত অনুমতিপত্রসহ সংশ্লিষ্ট প্রতিবন্ধী প্রার্থীর সাথে পরীক্ষা হলে উপস্থিত হতে হবে। কর্ম কমিশনের পূর্বানুমোদন বহির্ভূত কোনো শ্রুতিলেখককে পরীক্ষা হলে গ্রহণ করা হবে না। প্রার্থী কর্তৃক প্রস্তাবিত শ্রুতিলেখক এর বিষয়ে তথ্য গোপন বা কোনোরূপ জালিয়াতির প্রমাণ পাওয়া গেলে সংশ্লিষ্ট প্রার্থীর বিরুদ্ধে ৩৭তম বিসিএস এর বিজ্ঞাপনের ৩৬ নং অনুচ্ছেদের শর্তানুযায়ী সংশ্লিষ্ট প্রার্থীর প্রার্থিতা বাতিলসহ যেকোনো আইনানুগ ব্যবস্থা গ্রহণ করা হবে।


১৩. ৩৭তম বিসিএস-এর লিখিত পরীক্ষা **Double Lithocode** এবং **Barcode** সংবলিত উত্তরপত্রে গ্রহণ করা হবে বিধায় প্রচলিত উত্তরপত্রের প্রথম পৃষ্ঠায় একটি লিথোকোডেড **OMR** ফরম সংযুক্ত থাকবে। উক্ত **OMR** ফরম-এর উপরে প্রার্থী কর্তৃক পূরণীয় প্রথম অংশটি প্রার্থীকে নিম্নোক্ত নির্দেশমতে পূরণ করতে হবে :

১. লিখিত পরীক্ষার দিনসমূহে প্রতিটি বিষয়ের জন্য প্রার্থীদের লিথোকোডযুক্ত মূল উত্তরপত্র দেয়া হবে। সংযুক্ত লিথোকোড ফরম এ প্রার্থীর জন্য নির্ধারিত প্রথম অংশে প্রার্থী তার নাম লিখবেন, বিষয় কোডের ঘরে এই পরীক্ষাসূচির প্রথমার্শে আবশ্যিক/পদসংশ্লিষ্ট বিষয়ের নামের পাশে উল্লিখিত প্রার্থীর জন্য প্রযোজ্য তিন ডিজিটের কোড নম্বরটি প্রার্থী লিথোকোড ফরম-এর 'বিষয় কোডের' ঘরের উপরের ফাঁকা অংশে লিখে নীচের সংশ্লিষ্ট ৩টি বৃত্ত কালো কালির বল পয়েন্ট কলম দিয়ে পূরণ করবেন। যেমন 'ইংরেজি (আবশ্যিক)' বিষয়ের কোড ০০৩। সেক্ষেত্রে বিষয় কোডের ঘরে ০০৩ লিখে নীচের কোডের সংশ্লিষ্ট ৩টি বৃত্ত পূরণ করতে হবে।
২. প্রার্থীদের রেজিস্ট্রেশন নম্বর ৬(ছয়) ডিজিট সংবলিত। রেজিস্ট্রেশন নম্বরের ঘরে প্রার্থীর প্রবেশপত্রে উল্লিখিত রেজিস্ট্রেশন নম্বরটি উপরের ঘরে সাবধানতার সাথে লিখবেন। কোনো প্রার্থীর রেজিস্ট্রেশন নম্বর ৬ ডিজিটের কম সংখ্যার হলে বামদিকের ঘর/ঘরগুলো ০ (শূন্য) দিয়ে পূরণপূর্বক রেজিস্ট্রেশন নম্বরের ডিজিটসমূহ (সংখ্যাসমূহ) উত্তরপত্রের লিথোকোডের সংশ্লিষ্ট ঘরে কালো কালির বল পয়েন্ট কলম দিয়ে লিখে নীচের সংশ্লিষ্ট বৃত্তসমূহ ভরাট করবেন।
৩. নামের ঘরে প্রার্থীর আবেদনপত্রে এবং প্রবেশপত্রে উল্লেখ অনুযায়ী প্রার্থী তার নাম লিখবেন এবং স্বাক্ষরের ঘরে প্রবেশপত্রের অনুরূপ স্বাক্ষর করবেন। পরীক্ষার নামের ঘরে '৩৭তম বিসিএস লিখিত পরীক্ষা' এবং বিষয়ের ঘরে সংশ্লিষ্ট বিষয়ের নাম লিখবেন।
৪. পরীক্ষা কেন্দ্রের ঘরে প্রার্থীর জন্য প্রযোজ্য বৃত্তটি তিনি কালো কালির বল পয়েন্ট কলম দিয়ে পূরণ করবেন।
৫. অতিরিক্ত খাতার ক্রমিক নম্বরের ঘরটি প্রযোজ্য সংখ্যা দিয়ে পূরণ করতে হবে। কোনো প্রার্থী ১টি অতিরিক্ত খাতা নিলে প্রথম বৃত্ত, ২টি খাতা নিলে ২য় বৃত্ত এবং ৩টি খাতা নিলে ৩য় বৃত্তটি কালো কালির বল পয়েন্ট কলম দিয়ে পর্যায়ক্রমে প্রয়োজন অনুযায়ী পূরণ করবেন।
৬. বিশেষভাবে উল্লেখ্য যে, উত্তরপত্রের প্রথম পৃষ্ঠায় সংযুক্ত লিথোকোড ফরম-এর প্রথম অংশে কেন্দ্র, বিষয়কোড, অতিরিক্ত খাতার নম্বরের ঘরে কোনোরূপ কাটাকাটি করলে এবং লিথোকোড অংশে কোনো দাগ দিলে কিংবা ফুইড লাগালে উক্ত উত্তরপত্রটি বাতিল বলে গণ্য হবে।
৭. মূল এবং অতিরিক্ত উত্তরপত্রে প্রার্থী তার নাম, রেজিস্ট্রেশন নম্বর ইত্যাদি কোনোভাবেই লিখবেন না। লিখলে বা কোনোরূপ সাংকেতিক চিহ্ন দিলে উত্তরপত্রটি বাতিল বলে গণ্য হবে।
৮. ক. সাধারণ ও কারিগরি/পেশাগত উভয় ক্যাডারের প্রার্থীদের জন্য 'বাংলা (বিষয় কোড: ০০১ ও ০০২)' আবশ্যিক বিষয়ের ক্ষেত্রে প্রার্থীকে পরীক্ষা কক্ষে দুটি লিথোকোডযুক্ত মূল উত্তরপত্র সরবরাহ করা হবে। 'বাংলা' বিষয়ের ০০১ কোডের জন্য প্রার্থীকে একটি এবং ০০২ কোডের জন্য একটি লিথোকোডযুক্ত পৃথক উত্তরপত্র ব্যবহার করতে হবে। উল্লেখ্য, ০০১ কোডের উত্তরপত্রে ০০২ কোডের প্রশ্নের উত্তর প্রদান করা হলে উভয় উত্তরপত্রই বাতিল করা হবে।
খ. কারিগরি/পেশাগত ক্যাডারের প্রার্থীদের বাংলা (বিষয় কোড-০০১) আবশ্যিক বিষয়ের ক্ষেত্রে প্রার্থীকে একটি লিথোকোডযুক্ত মূল উত্তরপত্র সরবরাহ করা হবে।

চলমান পাতা/৪৩

৯. ১৫.০২.২০১৭ তারিখে দুপুর ২:০০ টা থেকে ৩:০০টা পর্যন্ত অনুষ্ঠিত MCQ type 'মানসিক দক্ষতা' (বিষয় কোড-০০৯) বিষয়ের পরীক্ষা দিন পরীক্ষা শুরুর পূর্বে প্রত্যেক প্রার্থীকে কম্পিউটারাইজড (OMR) উত্তরপত্র উত্তর প্রদান করা হবে। প্রার্থী তার কেন্দ্রের বৃত্ত পূরণ করবেন, রেজিস্ট্রেশন নম্বরের ঘরে রেজিস্ট্রেশন নম্বর এবং বিষয়ের ঘরে বিষয়কোড লিখে সংশ্লিষ্ট বৃত্তসমূহ পূরণ করবেন। পরীক্ষা শুরু হওয়ার পর প্রার্থী কর্তৃক পূরণীয় লিখোকোড ফরম-এর ১ম অংশ ছিঁড়ে পরিদর্শক আলাদা করবেন। ২য় অংশটি ৫০ (পঞ্চাশ) টি উত্তরের জন্য নির্ধারিত। কালো কালির বল পয়েন্ট কলম দিয়ে OMR উত্তরপত্রের বৃত্ত ভরাট করতে হবে। পেন্সিল দিয়ে বৃত্ত ভরাট করা যাবে না। উত্তরপত্রে কোনোরূপ ফুইড ব্যবহার করা যাবে না। ২য় অংশে কোনোভাবেই প্রার্থীর নাম, রেজিস্ট্রেশন নম্বর লিখবে না বা কোনোরূপ চিহ্ন/দাগ দিবেন না। বৃত্ত ভরাট করার ক্ষেত্রে পেন্সিল কিংবা ফুইড ব্যবহার করলে সংশ্লিষ্ট প্রার্থীর প্রার্থিতা বাতিল হবে।
১০. MCQ type মানসিক দক্ষতা বিষয়ের পরীক্ষায় মোট ৫০ (পঞ্চাশ) টি প্রশ্ন থাকবে। প্রার্থী প্রতিটি শুদ্ধ উত্তরের জন্য ০১(এক) নম্বর পাবেন, তবে প্রতিটি ভুল উত্তরের জন্য মোট প্রাপ্ত নম্বর হতে ০.৫ নম্বর করে কাটা যাবে।
১১. পদসংশ্লিষ্ট বিষয়ের পরীক্ষাসূচি যথাসময়ে জানানো হবে।
১৪. আবশ্যিক বিষয়ের পরীক্ষার হল, আসন ব্যবস্থা যথাসময়ে দৈনিক পত্রিকা এবং পিএসসি'র ওয়েবসাইট এর মাধ্যমে জানানো হবে।

[পড়াশোনা এবং জ্ঞানার্জনের মাধ্যমে ভালভাবে প্রস্তুতি নিয়ে পরীক্ষায় অংশগ্রহণ করুন; চাকরির ক্ষেত্রে কোনোরূপ তদবির প্রার্থীর অযোগ্যতা হিসেবে বিবেচিত হবে।]


৩.১.২০১৭
(আ.ই.ম. নেহার উদ্দিন)
পরীক্ষা নিয়ন্ত্রক (ক্যাডার)